



于野集卷五

青浦王 原西亭選

康熙六十年春正茸城蹋歌

姚廷謙

銀花火樹滿城紅。祝

聖香煙繞碧空。蓬戶朱門都拂拭。


萬年天子字當中。

滿城裙屐競招邀。入市魚龍影動搖。

聖主千春懸佛日。民間一月慶元宵。

白龍潭畔水灣環。萬歲亭高月可攀。九叩拜

恩鷓鷯集。曾經咫尺駐



天顏。

喬木而今復幾家。烏衣馬糞舊繁華。西湖莊子難尋覓。燈火軍門散晚鴉。

春煙靄靄彩雲翻。元旦纔過又上元。十里紅霞開步障。披雲門接谷陽門。

偶向春城次第遊。幾時夾道起朱樓。太平書院鐘魚靜。寂寞當年一等侯。

甲第當時最擅名。百年未久幾回更。林家宅子姚

家術。太僕尚書舊有聲。

王將軍書院係林太僕舊第先大司寇宅即今試院也

市樓掩映竹枝青。鶯燕相呼更可聽。去歲中秋原

好月。今宵初八見參星。

翩翩結束少年郎。裊裊釵裙窈窕娘。一自

六龍臨幸後。嬉遊都到世英堂。

如燕身材弱不勝。蘇州高髻是新興。上元難得晴如許。小婢相攜去看燈。

日日遊塵上鬢釵。春陰暫阻蹋青鞋。杏梢屈指將迎燕。細雨催開亦復佳。

盡說江城富且繁。何由遍地飲衢尊。欲知化日舒長樂。蠲賦年年望

主恩。

前題

朱霞

冰雪春城喜漸融。時聞爆竹響晴空。長官處處催
懸綵。要與朝霞一樣紅。

鳳曆靈長邁古先。黃衣野老說流傳。不知當日華
胥國。何似康熙六十年。

畫戟高門絳燭繁。金猊口噴瑞煙生。萬年福位當
門供。個個尊官下馬行。

簫鼓喧喧細柳營。銀花火樹夜深明。城門未下鴛
鴦鎖。醉尉相逢不問名。

披雲門外看春回。錦幔紅亭迤邐開。画出今朝新

氣象。市樓西望即蓬萊。

十里春風錦繡香。村農歸舍話斜陽。去年米賤困
無粒。小墅何由作戲場。

夾道相逢油壁車。湘簾咫尺總深遮。幾番錯認金
門客。微露春衫杏子紗。

廣州翠羽越州羅。妝點新年比舊過。最喜近來梳
掠易。吳娘耀首合珠多。

西湖舊址冷於冰。興聖浮屠尚點燈。可惜更無遊
覽地。漫看書院逐年增。

盲女彈詞撥四弦。隋唐小說話千年。花簪粉荔餽

糖擔大發新年利市錢。

三秀橋邊月正高。白龍潭上響檀槽。糧艘到後飛符急。只有琴堂縣主勞。

梅方辭雪藥爭含。柳未成絲影欲鬢。問底閨年春更早。

聖情深注是江南。

前題

張琳

寶曆初開六十旬。江城萬戶慶元辰。香煙繞處春如海。盡向紅雲拜

紫宸。

揭天簫鼓未能聞。鰲柱擎空火架山。誰識海邦名最好。星橋直上彩雲間。

輕煙嫩靄覺微和。步障香球十里多。翻笑農夫與村媪。上城來聽鬧秧歌。

千金難買此良宵。蘭麝都從暗裏飄。燈影滿身花滿袖。有人連臂過三橋。

萬歲亭前寶炬紅。白龍潭上水連空。玉荷金藕知多少。盡帶蟾光入鏡中。

鏡吹軍門氣象高。錦衣千隊醉葡萄。走竿却勝魚龍戲。彷彿神仙駕巨鰲。

火龍千丈快揚鬢。逐電追風任轉移。貯得明珠滿
鱗甲。燭花齊吐萬年枝。

子夜鞭牛淑氣饒。參星晴帶彩旂飄。今年瑞麥知
雙秀。臘雪迎春未肯消。

小隊如雲繡作圍。帽簷歌側鬪春衣。都從錦幔騰
騰去。待放銀花緩緩歸。

燈廊月殿影交光。祝

聖咸開古道場。不少駢肩聽梵者。金爐誰識見知
香。

黃髮歡遊浩蕩春。相逢搯杖話頭新。願將三泖傾

為酒。添醉含舖鼓腹人。

五夜風光說李唐。詔添兩夜總尋常。史官好紀熙
朝盛。淡月光燈照萬方。

前題

朱奕

六十編年玉曆新。大家歡喜看迎春。上東一路摩
肩過。生長堯天總幸民。

海濱箇箇長官清。清俸捐來結綵棚。贏得兒童多
喝采。入春一日最清明。

曉日初升玉雪消。花燈錦幔路迢迢。閭閻裝飾今
年好。直到雲間第一橋。

萬歲前頭簇絳紗。細描金字客爭誇。兩行黃蠟高
燒處。祇說城西宰相家。

一年幾日是清娛。名刺投來認得無。不放先生春
睡足。當關早報吏催租。

溶溶玉鏡當三五。燦燦華燈遍十千。若使浮生嘗
遇此。嬉遊何處不神仙。

軍城鼓角雜笙歌。逐隊春嬌緩緩過。貪看橋南新
嫁婦。一番羞澀向人多。

西風刮面耐侵凌。抖擻寒衣健欲騰。還向玉皇宮
外立。數來臺閣一層層。

襴衫簇簇聚轅門。盡出菰蘆拜

至尊。聞道容臺新入奏。開科知否荷殊恩。

拜表行香路。屈盤金爐煙裏靜。鳴鸞樓頭不識官
員貴。也當探春士女看。

小部霓裳才按曲。倏驚煙火轟星河。萬家城郭千
門裏。春酒春盤何處多。

邀勒梅花不早開。風風雨雨鎖蒼苔。太平盛事增
歌詠。知道輜軒幾日來。

前題

徐是做

甲子才週寶曆新。萬方一樣戴尊親。即看海角天

涯地亦有衢歌巷舞人。

祝國諸公建醮壇。西禪寺裏日傳餐。香煙凝處都成雨。未許泥塗容易乾。

新年樂事勝當年。齊集游人嶽廟前。侵曉出門歌午飯。太和館裏擲青錢。

西林塢上競嬉遊。還到新修方塔頭。試看街衢何所有。家家燈火似星稠。

跨塘橋至華陽橋。城隔東西廿里遙。插竹沿門齊挂綵。喧然不獨鬧元宵。

元正三日忽徵糧。喚醒鄉人在醉鄉。悉索奉公來

府治看燈棚下走何妨。

南城百戲霎時陳。城內偏多城外人。不怪四民忘職業。此生難得是今春。

軍門煙火起宵分。仰面齊看五色雲。見少怪多休絕倒。駱駝說馬也曾聞。

連辰漠漠濕雲低。惟有良宵月滿堤。士女恐虛明月意。斬新鞵鞮蹋春泥。

不論白屋與朱扉。晝出遨遊夜未歸。縱有百年遺老在。料他此景見應稀。

太守歸從白下城。收燈重作看燈行。丁寧僚屬同

民樂那有平時喝道聲

謳歌聲裏日初長。演武場東續道場。信有無窮忠
愛意。可能一一達穹蒼。

東飛鴻堂主人問梅花消息 徐是做

極目城南路。馳情雪後梅。暗香非易動。細蘂幾曾
開。笑待當簷索。妝憑覓句催。泥深行未得。堂畔有
誰來。

前題

朱霞

積雨久不出。水南憶老鮒。橫枝應好在。紅萼近何
如。燈後月遲上。雪消窻正虛。美人殊未見。搖膝想

愁余

前題

張琳

清水橋南路。飛鴻隱者家。幾番思老樹。曾否放新
花。積雨茅齋閉。寒雲小徑斜。何時開欲遍。疎影看
交加。

前題

朱奕

梅以飛鴻重。先生坐對餘。寒威嗟已甚。芳意竟何
如。惜別一年酒。相思今夜書。殷勤冒風雪。俗慮幾
時祛。

前題

胡映隆

草堂梅最古。心繫早春時。天已回微暖。花曾發幾枝。憶香溫舊夢。和月釀新詩。為問林高士。如何索笑遲。

前題

莫繩宗 思亢

最憶南村樹。春風欲度時。暗香徒有夢。紅萼幾含姿。久約尋苔徑。先應辦酒資。底須煩驛使。實恐笛中吹。

前題

何默

每送飛鴻目。琪花未得看。過橋愁雨滑。歌帽怕風酸。骨秀何妨老。香清益耐寒。幾時容載酒。問字一

盤桓

諸同人枉詩訊梅花消息奉答

姚弘啟 藥巖

玉仙二月裏。索笑信猶遲。密蘂珠同貫。繁枝手並垂。娉婷應惜嫁。名節久方知。欲送飛鴻目。須看撲蝶時。

燈圓

燈圓之名見顧東江集中
即周益公所謂浮圓子也

徐是傲

良宵何事不團圓。粉米搓成食品傳。鬢婢經心從舊臘。湯官呈技在新年。共欣造處燈盈屋。我喜嘗時月照筵。生熟有期。湏辨色。浮沉無定。孰司權。零

星實異。牢丸重。軟美應。唾餽。堅潔比。雪霜香。自
淡。黏如膠。漆氣還全。紛紛蠶繭。初經浴。顆顆驪珠
豈待穿。祀竈每看。餽作伴。餉賓仍讓。酒居先。盛將
玉椀形。幾失撥。以銀匙彩。共宣。不信佳名。留俗下
却教真味。出天然。遠稽南宋。周公句。近見東江。學
士篇。記得長安。三五夕。結棚烹煮。六街邊。

前題次韻

朱霞

春正節物重。燈圓方法吳。娘本舊傳。五色團圓。思
嫁日。滿盤料揀。又新年。屑成軟玉。宜纖手。搓出銀
丸映綺筵。計口定應人。動指膠牙。偏媚竈司權。花

餈細洩。原同膩。環餽齊蒸。不共堅。投向沸湯。形詎
改。浮來定碗。味初全。溶溶却似。漚輕泛。顆顆寧勞
線。並穿。略藉蔗漿。相勸飽。頓忘粥面。敢爭先。山中
白石寒。難煮紫。府甜霜秘。莫宣隣。碓晚舂。聲不斷
浴門小。擔火頻。然食經自古。誰添譜。吾郡東江。僅
有篇。自顧詩腸。無長物。強吟索笑。向梅邊。

前題次韻

姚廷謙

春廚食譜尚浮圓。南北鄉風一樣傳。爆竹聲中搓
箇箇。燈花影裏煮年年。最憐煖玉初登席。却愛瓊
糜乍入筵。的的走盤疑欲活。勻勻脫手不須權。蒸

來未並花餐。豔熟候寧同。克食堅爛飯。匙抄香可
比。錫膠碟。釘味逾全。堆盤素繭。寧辭浴徑寸明珠。
豈待穿朱戶。斗量真不計。蓬門市買亦爭先。况逢
元夕燈初上。正是東廚令。乍宣拜跪。有詞俱肅若。
馨香得薦。總歡然。佳名前輩應同喜。好句流傳得
幾篇。飽食此時同飲福。團園家慶各無邊。

前題次韻

張琳

人情總愛十分圓。攪雪粘雲並舍傳。早貯山廚供
令節。競從土銜祝豐年。歡心正合團園坐。素質宜
親玳瑁筵。豈是東廚爭獻媚。須知新火乍司權。朱

脣不信冰丸冷。瓠齒渾忘暖玉堅。未訝尋常魚目
貴。還同三五蚌珠全。指痕捻處微微印。釵腳簽來
箇箇穿。翁媪欣嘗仍致語。兒童笑捧各爭先。春盤
巧簇花輪潔。左擔輕敲竹代宣。異地景光明月共
故鄉風物上燈然。浙中有上燈圓子落燈糕之語好憑粉紙添新詠。敢
向霜毫續舊篇。誰說膠牙勝崖蜜。可知分別在中
邊。

前題次韻

朱奕

髣髴元宵月共圓。看燈名號盛流傳。霏霏白雪團
兒女。滾滾紅塵閱歲年。通饋不堪誇節物。留賓可

許進華筵。料量費得閨人力。生熟操來。爨婢權差。擬凝脂同膩滑。敢希煮石鬪清堅。充饑雅稱詩懷。淡破悶多輸酒力。全涼玉有津旋欲化。明珠無孔驟難穿。千村竈媚齊南北。比戶羹調孰後先。入市最宜糕並列。上頭惟見彩相宣。亦知下箸元無處。未信三餐猶果然。風土當時循舊俗。歌吟今夕富新篇。先生乍脫如丸手。光射琉璃硯匣邊。

元祐黨籍碑

朱霞

三尺孩童識字始。便恥小人慕君子。細思君子小人名。不知竟自何年起。此名實非剗自堯舜禹湯。

文武與先師。此心炯炯自識之。兩種人雖塗路別。其中心腹腎腸知。覺曾不虧擯斥稻梁食。烏啄未有不駭為狂癡。緣何彼小人者。詈君子肆無忌憚。名逆施人云公道本不泯。惡語所及後人反藉以。為讚歎資。我謂此不待後人。當其敢為惡語日。清夜捫心豈不知。媿汗不啻膏斧礮。身雖不死神已痿。黃子酌我酒。示我榻本元祐黨人碑。碑昔奸相手書勒。詞云垂示萬世臣子共提錘。上自宰輔迄內臣。三百九人姓名何纍纍。其中兒童婦女所知。若司馬文呂蘇范諸公且弗論。自餘議論事迹若

滅若沒者十三四。行間字裏亦皆光燄煜煜同赫
曦。二惇二蔡死已久。魂魄猶似忸怩感縮叩拜求
哀。其旁無已時。乃知人心自有不死者。無所逃於
天。覆地載之。渺瀰嗚呼。古人勲名氣節。今無有但
見刻石紀功。接窠臼。不聞詈罵。只聞諛。世上何多
三不朽。此曹但知諛可悅。亦知罵詈偏傳。否勒碑
毀碑等浮雲。碑文翻榻彌長久。自古小人不惜顯
與君子讎。留芳遺臭願總酬。後來此輩亦希有。熟
軟一派更可羞。碑文看作不祥物。此本斥去誰肯
留。若復人人喜摩榻。豈不如薦福之碑。且被雷霆

搜。願將此本裝潢。日日懸座右。醉歌一聲四壁恍
恍。神鬼愁。

前題

張琳

北宋之季時猶平。羣梟得志鳳不鳴。弄權宰相固
非一。儉險怙終有賊京。端禮門前一片石。四海聞
之怒髮植。司馬以下三百人。大如星斗小如沫。亦
有武臣及宦官。乾坤正氣何巖嶮。斯人本自能傳
後。何用大書復深刻。若能中夜自捫心。豈不媿赦
且戰慄。我思小人患得復患失。亦知美名終不沒。
聊將面目罔妻孥。遂至心腸同鬼魅。不然熏焰正

炙手。何暇更將黨人列省事。天公虛一擊。賢奸千載自分別。嗚呼。京亦有言碑。可滅名不滅。留芳遺臭兩俱絕。千載猶翻黨碑帖。

前題

姚廷謙

磊磊落落天上星。大書特書石上名。問此何代之所刻。元祐黨碑出蔡京。司馬已下三百人。文章政事震世英。其中隱現雖不一。鐵中要是推錚錚。吾想當時賊京輩。其心久矣同狂醒。安民一語入渠耳。顏面何以忍。慙顏良由患失不復顧。反謂清濁無定評。譬彼蛇虺縱毒螫。此豈復有自知明。我獨

不解世間石。龜趺螭額高崢嶸。豐功偉烈誇不盡。轉眼身盡碑亦傾。此碑碎彈不遺力。自謂炯戒逾髡黥。豈意千載轉欽仰。碑石不翅同瑤瑛。乃知石亦。有幸有不幸。垂芳遺臭非力爭。誰將此碑榻萬本。常與三百九十君子揚光精。

雨中集今月堂

姚廷謙

斜風細雨正無聊。酒盞吟場忽見招。才鈍自甘輸七步。興來不覺過三蕉。迎春絳萼脂猶凍。隔歲黃香蠟未消。歸路莫愁街鼓促。金吾弛禁到深宵。

前題

朱霞

十日泥塗咫尺遐。杜陵偏側漫嗟呀。雨絲雪片從飄灑。斫脰開尊且笑譁。牆角黃梅如傲客。吟邊絳蠟欲驚鴉。燒燈已過春猶靳。難借天公鼓一撾。

前題

朱奕

日日陰寒不出門。南州有約荷春溫。敢辭雨惡聯雙屐。應為花慳勸一尊。簫鼓未隨人事減。倡酬猶幸古風存。兩年接席推同調。還擬從君細討論。

前題

張琳

浮世除詩盡強名。香山句。况逢綠酒得同傾。短檠最昵瓶花暖。急響全消市鼓聲。舊雨偏能愛。今月東風

未肯換春晴。踏歌一曲真無賴。搖筆輸君句早成。

元宵後十日風雪大作嚴寒不解為近歲所

未有同人集遂安堂分賦

朱霞

丁丁當當塔語層。窸窸窣窣瓦響楞。條侯夜半軍忽騰。白鷹天外麀雛鵬。震耳眩目得未曾。綠窻人語如凍蠅。參差木介懸稜稜。膠池裂沼鳴轟軫。問此何時暖律應。滿城連旬鬧花燈。封姨滕六爾何能。敢與春工角負勝。野田麥苗細可矜。老圃菜甲命所憑。渴絕生理難復興。梅啼竹哭傲不膺。禡鸞髡鵠甘伏膺。負冰赤鯉崛強仍。髻長鬣觸如冒曾。

惟有老狐求其朋。渡河不疑忘。凌兢嗟爾意。氣母益增綠。章行見天門。登和風一扇。麗日升。雪窖破。壞冰山。崩百神。守職無欺。陵催花羯鼓。仍鑿鑿。

前題

徐是做

不信落燈風。能吹雪滿空。浹旬春事廢。今夕酒杯同。坐對空庭白。吟依宿火紅。麥苗與菜甲。應遜去年豐。

前題

朱奕

醞釀寒威隔歲留。放燈纔罷急相讎。春容忽變元冬厲。江國偏生紫塞愁。農食豈堪無二麥。衿衣欲試又重裘。杞人於此憂無益。一醉從君尚可謀。

前題

張琳

堅冰一尺厚。草根青欲泣。半月望春光。春光轉相失。猛風如惡客。薰爐真故交。若非冰雪壓。捲去幾重茅。重幃不解嚴。刮面冷於鐵。蜩縮休笑吾。萬木僵欲折。無術攻愁陣。還須仗酒兵。試看拇戰裏。破取蔡州城。

前題

姚廷謙

天公底事妬春妍。頓使元冥再秉權。釀得雪花如掌大。任他無賴到梅邊。

胸無塊壘不須澆。把酒尋詩破寂寥。滿市花燈無一點。頓忘此日是春宵。

惡風如箭射窗虛。點滴階前滑有餘。莫謂春冰容易解。京江已斷寄書魚。

時圃玉在潤州

登興聖寺塔

張琳

偶尋興聖前朝寺。中有浮圖倚太清。閱盡江山餘過客。題殘今古賸空名。寒香春隔梅花井。鏐吹風

低細。柳營欲借金繩凌絕頂。曠懷都向此時生。

前題

朱霞

春雲捲盡碧天澄。朱檻凌空試一憑。我欲此身生羽翰。世原有路許飛騰。金鯨吼徹無邊響。白鶴招回最上層。却笑下方塵市裏。但知仰面看宵燈。

前題

陸崑曾

賸有登臨興尚豪。九層闌楯倚周遭。星辰天上何難摘。韋杜城南未是高。眼界人來成遠大。脚跟誰此得。堅牢蒼蒼自昔無。從問休把風前短髮搔。

前題

胡映隆

荒城一塔護招提。領略春光此共躋。頭上不知霄漢近。眼中翻訝燕烏低。遙山起伏連平野。極浦蒼茫入画題。下界忽驚人笑語。仰看應歎隔雲泥。

前題

董杏燧

振衣忽上最高處。不覺珊珊骨欲仙。檻外萬家煙火亂。城隅一片水雲連。當前頓悟諸空境。暫駐疑游不住天。蟻聚蠅營百年裏。幾人心眼得超然。

前題

朱奕

盤空九級絕人寰。風靜時聞鈴語閒。但有卑棲滿城郭。更無高視出雲山。軟紅塵土無須踏。嫩碧春

光若可攀。却憶編摩十年事。一燈曾此掩禪關。

前題

姚廷謙

高標千尺倚晴空。正值春深萬井中。麥隴已看圍綺繡。虹欄真欲眩西東。讀書臺廢花成雨。唳雁灘荒鷁逝。風最是發人深省處。華鐘百里響常通。

前題

徐是做

浮圖體勢似方丘。作鎮禪林幾百秋。拾級漸看平地遠。振衣已在半天遊。聲聲鈴語隨風急。點點燈光入夜幽。呼吸自能通帝座。題名不羨曲江頭。

于野集卷六

青浦王原西亭選

花生日舉酒酌花為花壽

朱霞

我昨夢花花盡笑笑我看花非年少我今不能復
少年笑語花姑莫我誚年年今日號花朝東君著
意催嬌嬈可憐風雨苦相妒寧知春魂原易消况
復今年耐冰雪今朝始見晴光瞥柔枝嫩蘂尚嬌
癡漫賜纏頭戴紅纈主人開軒泛綠尊一盃先酌
羣花根羣花暗領盃中意一時含笑俱無言吾為
羣花浮大白雖無買笑黃金百但存一片惜花心

不妨一年一話銅駝陌。

前題

張琳

碎剪紅綃寸寸新。挂枝分樹祝生辰。俗情競煖看
花眼。韻事誰為酌酒人。欲雨還晴當二月。期鶯等
燕度三春。讀書牀畔新題好。小嶼殊堪墊醉巾。是日

初晴為平山
題花嶼小額

前題

姚廷謙

年年此一時。花期不我負。我欲問春風。花從何代
有。

春事何曾息。花生定有辰。從來花發處。幾遇惜花

人。

今朝風日佳。對花那忘酒。我無黃金千。索笑花肯
否。

一盃勸花枝。莫道流光駛。次第廿四番。何殊十七
史。

前題

朱奕

芳華日一瞬。日月轂雙馳。復此花生日。紅萼未盈
枝。入春飽冰雪。遊賞竟參差。竭來臥雲畔。爛熳逞
妍姿。得氣既以早。先吐亦其宜。主人掃華軒。向花
一酌之。裁紅綴小縷。伸紙寫新詩。綠酒泛滿竿。一

笑花莫辭。嗟余本寒畯。四十無聞知。衰晚非曩昔。
終歲歎棲遲。世情悅穠豔。春風豈有私。寄言三春
葩。盛顏當自持。

前題

徐是做

雨過園林曙色新。衆芳乘此作生辰。賜緋次第承
恩遍。舉白殷勤用意真。莫道醉鄉無沃土。須知香
國有長春。年年掃地爲花使。我是鬢持宮畔人。

紅梅影

姚培枝

紅梅有影誰堪比。却似明妃在漢宮。不肯傳神求
畫手。祇應寫貌對青銅。隔簾未許風吹瘦。滅燭仍

依月繪空。寄語小桃穠杏道。錦茵原不競朦朧。

前題

徐是做

絕代紅顏擬絳仙。芳蹤應在化城邊。香能解脫真
堪羨。豔到朦朧却可憐。豈是朱絃彈別調。竟同紫
玉作輕煙。相思倘復時回顧。出竹穿籬愈覺妍。

前題

朱霞

似有輕霞傍鏡臺。翩然和月到牕隈。冰心不許臙
脂寫。酒暈翻從背面猜。照席最憐燈欲熄。傍人敢
說煖相偎。何由幾點嫌山雪。透入虛牕紙帳來。

前題

胡映隆

紅羅亭畔影迷離。似密還疎。月到時。被酒可曾合
獨笑。隔塵何處寄相思。牕間絳雪融千片。水底明
霞泛。幾枝鬢。美人春蚤起。一奩清鏡點殘脂。

前題

張琳

一般疎影漾虛無。誰識紅顏。是故吾。半壺紫煙臨
水出。滿簾春雪倩燈扶。亦知印月難爭豔。未許研
朱任意塗。分我形骸伴枯寂。居然紙帳擁羅敷。

前題

陸崑曾

紅梅誰寫上低牆。纔過燈光。又月光。似我盡除脂
粉。相引人疑入黑甜鄉。瓊英亂落非關笛。絳雪紛

披別有香。不學含章春殿裏。只將寒素點新妝。

前題

朱奕

欲將嬌態寫燕支。真面難描。世未知。酒滴珍珠波
蕩漾。枕留琥珀夢參差。那堪魂斷燈殘後。偏覺情
濃月上時。絕勝人家桃李夜。但磨醉墨賦新詩。

前題

姚廷謙

瓊枝那肯傍人低。背面猶堪賦子兮。妙處豈從圖
畫出。悟來方覺色空齊。粉牆雪褪遙驚豔。紙帳春
回果有妻。一任燒燈時節換。高情不到踏青泥。

前題

何默

不是尋常南北枝。橫斜一樣寫參差。朱顏却背燈前出。醉面難從月底窺。夢破忽疑留錦段。折來還欲買。臙脂相思何處堪相寄。腸斷羅亭四照時。

前題

莫繩宗

瓊寒粉瘦寫難真。象外傳來別有神。照水自憐唇點絳。橫窗誰識面生春。多情自古終歸淡。豔想回頭已隔塵。園吏不須偷折得。相依髣髴見雙身。

曉聞百舌

朱奕

如簧乍喜報新晴。夢醒初聞曉氣清。似共百花先有約。偏於孤枕最關情。雕籠鎖處空傳慧。寒谷遷

來無此聲。巧語亦知人盡愛。南華曾誡不能鳴。

前題

張琳

半輪殘月挂樓西。山市人家起未齊。怪爾一身兼百口。冷煙春樹盡情啼。

前題

朱霞

夢破春情薄似雲。最憐百舌曉窗聞。亦知遊屐新來嬾。好語從頭學向君。

前題

姚廷謙

短夢初回曉思清。誰教百舌報新晴。杏花未吐梅花落。此是東風第一聲。

前題

胡映隆

春風吹得羽毛輕。一鳥能兼衆鳥聲。莫向曉窗啼不住。枕邊殘夢正關情。

前題

陳宏謨履萬

一片窻綃曙色晴。朦朧短夢續難成。春來生得多情物。百舌殷勤報一聲。

前題

蔣培穀詒久

我本人間木訥人。詹詹學語愧陳因。可憐百舌來驚枕。似笑生平負好春。

無題

姚廷謙

十二紅樓畫檻邊。凝雲常與夢雲連。輕身不學霓裳舞。粉面應摹璧月圓。小閣相偎還妬鏡。曲池無賴慣生蓮。人間那有消愁處。漫爇心香一縷煙。沉埋不斷是柔情。春到紅心草又生。有恨豈曾堪解釋。多疑原只爲聰明。書遲厭聽簷頭鵲。夢淺愁聞樹底鶯。輸與花邊雙蛺蝶。粉香深護往來輕。

前題

張琳

一春常自病懨懨。吹盡東風怕捲簾。提起玉釵偏有憾。封來繡綫嬾重拈。旌心弱臂留紅影。壓枕新花夢黑甜。那復鍾情窺寶鏡。幾多金屋貯無鹽。

相逢姊妹夜深譚。燭淚香絲近始諳。誰向星中求
織女。枉教花底認宜男。巢成總媿春前燕。心死真
同浴。後蠶少長深閨人未識也。從阿母恣嬌憨。

前題

朱霞

玉圃芝田兩渺茫。可憐時節總難忘。人間絳雪難
名豔。天上芬陀別有香。伴我生平白團扇。見他嬌
小紫羅囊。聰明畢竟塵緣薄。繡閣時時禮覺王。
星沉石爛豈無時。難斷人間一縷絲。漫想鴛鴦皆
並命。那能菡萏悉聯枝。春風陌上花無語。洛水波
頭影自知。誰喚三生癡夢醒。愛流乾却未為遲。

前題

陸奎勳 聚綵

繡帳眠遲起未遲。傷春難禁落紅時。一雙玉剪飄
苔井。三五銀丸貼桂枝。有淚空書銜石闕。無根短
夢逐游絲。相逢莫話官奴事。腸斷風前白袷吹。
小閣愔愔冷似秋。斷雲拖雨傍檐收。柳條可意回
青眼。烏鳥無情竟白頭。客子為誰羈。漢沔美人遲
我夢。羅浮傷心不預春。繁會粉謝香銷十六樓。

前題

徐是傲

月館星橋總隔凡。上真門戶有誰監。笑看曉色侵
菱鏡。暗覺春風戀杏衫。縹緲畫簾犀作押。玲瓏錦

瑟玉爲嵌十年空負遊仙夢。今到蓬萊恨已菱。
雜花如錦草如釵。曲曲欄干面水排。金彈打鶯聲。
窸窣玉簫叫鳳調和諧。微紅鬢棗因時換。淺碧妝。
菱鏡日揩。不信巫峰雲易失。青天萬里斷無霾。

前題

朱奕

簾外蠨蛸曳晚風。合歡花發曲欄東。當筵燭淚千。
行。隋別苑琴心一片通。潮隔潯陽魂。縹緲夢歸巫。
峽。雨。朦朧。破除別後功夫處。畫得雙眉十樣工。
錦瑟流音閉綺窗。歌成子夜按新腔。鴛鴦踏浪何。
曾。隻。蝴蝶。經。風。那。得。雙。折。柳。不妨。臨。曲。岸。採。菱。獨。

自到橫江桃根桃葉歸何處。水漲秦淮泛客艖。

前題

何默

隣家美女好樓居。十五輕盈畫不如。只爲多情思。
匹。偶。翻。緣。薄。命。怨。居。諸。桐。花。落。處。咿。唔。罷。柿。葉。陰。
中。沐。浴。初。午。後。尋。春。無。遠。近。珊。珊。齊。上。七。香。車。
蕙心蘭質怨芳辰。彷彿高唐夢裏身。稍有閒時春。
似。海。斷。無。人。處。月。如。銀。薄。施。鉛。粉。顏。偏。麗。斜。倚。雕。
欄。態。更。新。倏。忽。東。風。梅。子。綠。賣。花。小。艇。到。江。濱。

前題

莫繩宗

綺窗閒誦蕊珠經。月色朦朧檻外停。水號桃花偏。

帶白衣名柳葉幾曾青。爐煙似霧迷金屋。柏酒如
油貯玉瓶。欲奏清商聲調苦。教儂懊惱不能聽。
金猊百子細煙騰。獨立瑤臺第幾層。魚鑰沉沉人
不寐。女牆寂寂月初升。春深怕奏梅花曲。夜靜聞
燒芳苾燈。睡起漫將雙鬢理。傍窻冷露濕吳綾。

上巳前一日同初晴玉田過西湖莊即事

姚廷謙

西湖莊上野桃花千樹爭開一片霞。土銚竹窻人
不見。只留仙犬護仙娃。

臺榭繁華幾變更。遶籬潭水一泓清。東風吹得紅

顏淡。城上烏啼三兩聲。

前題次平山韻

朱霞

啖鶴灘邊誰看花。野桃千樹忽蒸霞。我來正值清
明近。兩雨歸寧陌上娃。

遙想滄桑昔未更。亭臺幽倩管絃清。而今却有桃
源意。日午荒雞叫一聲。

前題

張琳

春來無事但尋花。又見溪桃簇絳霞。不怕東風亂
裙摺。芳郊時有躡青娃。

鷓鴣絳帳幾回更。寂寂花容照水清。欲向葦簾還

乞茗明朝來聽賣。錫聲。

西湖莊桃花歌

張琳

西湖莊子聞人說。當時本是神仙宅。中有黃衫鍊
九還。一勺方池水五色。千秋得氣生桃花。萬株千
株蒸紅霞。太平雞犬在城郭。不須點綴添漁家。春
風駘蕩好天氣。三三兩兩蹋青至。雖無寶扇與鈿
車。未少茶棚及酒肆。軍營細柳綠蔽天。繡袍公子
金連錢。欲將駿馬比顏色。袖中笑隨珊瑚鞭。我亦
尋花遊屐健。袷衣最愛粘花片。待向瀉山更問禪。
癡情不入崔郎傳。烘天照地無邊春。鶯燕相呼莫

問津。三百青錢還買醉。武陵憐煞避秦人。

前題

姚廷謙

春光淡淡城西隅。春鳥格格催提壺。朝來紅霧不
肯散。桃花千樹爭敷愉。此花莫道同凡豔。風神合
與神仙俱。市闌馬廐不堪近。對此令人轉嗟吁。當
年樓館黃金鋪。嬌歌妙舞景未徂。美人二八朱顏
酡。佳麗豈止如花乎。春光自古難長保。石麟往往
埋青草。元都觀裏菜花開。紫燕黃鸝幾回老。此花
種得隨荆榛。年年三月嬌上春。鈿車寶馬雖罕至。
野人守護猶殷勤。我來時節逢修禊。正值花光正

酣恣一枝兩枝俱可憐。千點萬點忍輕棄。晚來新月淡如銀。恨不攜尊來席地。五更風雨未須狂。許我尋詩再三至。

前題

徐是做

春城早見梅花落。忽忽心情輒作惡。今朝放眼西湖莊。快覩天桃華灼灼。碎裁古錦詎不如。斜卷明霞恰相若。脂繁粉亂画參差。露笑煙啼妝綽約。因嗤薛詩皮賦中。多少研辭欠搜索。元都千樹豈遂竒。劉郎到此亦驚愕。此莊南望集仙門。繁華自古等京洛。澄泓碧水環朱扉。措置亭臺非苟作。芳草

忽生歌舞場。堆來馬矢高於閣。人家爭放鵝鴨羣。灘頭那有舊時鶴。只賴桃花照眼明。點綴春光不寂莫。尋春遊伴多同心。醉倚花枝歌復謔。仙源不與人間通。此言直足供一噓。夕陽西下歸去來。重遊尚能記大略。

前題

朱霞

茸城中有西湖莊。一盃之水涵清光。野桃誰種近十畝。陽春三月羅紅妝。紅妝掩映疑人面。綠莎滿地成茵薦。遲日曾無裙屐過。東風簌簌吹千片。誰憐此地舊樓臺。樓臺久已成蒿萊。無復鶯聲留眼

曉空餘馬矢自成堆。我謂此間殊不惡。有花便不
愁蕭索。承平日久。氣象殊野。火空桑化。紅萼雖無
漁父恣幽尋。亦有牧人來躑躅。桃花桃花。爾勿嫌
寂莫。避世何妨在城郭。金谷河陽轉眼空。武陵天
台愁路錯。城隅日暮。綠煙斜。應笑詩人多歎嗟。豈
是桃花堪作飯。更兼柳老不藏鴉。

前題

朱奕

茸城二月天氣佳。春風淡蕩蒸紅霞。西湖池館已
無有。十畝盡種天桃花。桃花爛熳誰為主。板橋草
徑牆圍土。咫尺軍營細柳多。蕭蕭牧馬嘶荒塢。幾

曾壚畔有胡姬。却喜茶香煎穀雨。此花此地真堪
憐。一年一過心茫然。但使有花花不改。武陵豈必
尋神仙。花聞吾言一笑。嫣枝頭百舌。語便便休嫌
此地風光少。頃刻相逢莫草草。祇恐城頭五夜風
紅顏幾日能嬌小。

前題

胡映隆

小湖春漲波浪浪。一帶迴繞西湖莊。莊邊老人種
桃樹。編竹作橋人可渡。我來正當二月中。脂繁粉
亂。枝枝濃。千頃霞光春欲醉。半空露氣曉流紅。紅
影忽欲活。波光兩交澈。渾似理妝人對鏡。塗雙頰。

或間穉柳天以斜結眉描黛增穠華。或倚修竹娟
且秀恰如三五女兒垂翠袖。風光一片上女牆。祇
覺裙屐生春香。老人為余生歎息。我昔種花尚壯
力。今朝蓬鬢如霜白。隔岸馬矢高三尺。那能長保
無摧折。安得五色之泉釀作千日酒。年年對花開
笑口。

前題

徐南溟 滄嶼

西湖名勝垂錢唐。我松亦有西湖莊。莊前桃花千
百樹。幾礙游人去來路。放眼惟驚霞綺舒。縱有名
手画不如。何人挈家來此住。見客為設茗飲具。隔

橋流出胭脂紅。紅塵疑與仙源通。我來本非捕魚
者。見我豈必相嗟呀。但思沽酒醉花前。醉倒便對
桃花眠。此中樂事亦常有。不用誦誦告太守。

牡丹

陸崑曾

家有牡丹一本。戊辰秋從廣德州署攜歸。今
三十餘年矣。居址數易。花亦屢遷。余喜其枝
柯不改。感賦此詩。并索諸同學共和。

携歸州署幾春風。草處林居我略同。九葉倚闌仍
亂碧。一花憑酒與澆紅。從來國色偏宜淡。本是香
肌不厭豐。三十年前歡笑地。舞裙歌扇夢魂中。

前題

朱霞

殷勤酌酒酌花前。為語茲花不偶然。千里移根金
並貴。幾番隨主石同遷。錦幃環珮誰相問。老圃風
光特地妍。莫向欄邊誇彩筆。義山詩句舊曾箋。老圃

有義山詩箋

前題

張琳

舞蝶遊蜂莫浪尋。卅年扶植主人心。朶頭濃重歌
紅玉。葉底招搖遍綠陰。睡態最宜春雨足。香魂應
與夜燈沉。朝雲彩筆成陳語。誰和天隨藥圃吟。

前題

姚廷謙

名花千里劬根難。此日酣春一凭欄。客裏風光欣
得伴。故園金粉幾同看。紅箋欲鬪朝雲麗。翠被寧
辭夜月寒。最是玉溪詩筆豔。不須圖畫屬邊鸞。

前題

胡映隆

君有名花未是貧。護持為製曲欄新。只須一笑便
傾國。况復千枝競占春。春帳裏珮聲疑隔衛。座中香
氣欲依荀。桃州刺史廣德即古桃州茸城老。兩得相逢好主人。

前題

朱奕

名花歲歲逞芳妍。只在荒城矮屋邊。豈有亭臺圍

錦繡却疑環珮立。神仙幾年人遠。凋雙鬢到處春深冷。一羶便欲題詩成。故實不容羅鄴競。流傳

鄰船

徐是做

同向灘頭泊。真如水上萍。櫓聲忙暫息。人語細難聽。一望炊煙碧。相連燈火青。前途須借問。何處是郵亭。

前題

姚廷謙

水宿欣成伴。灘頭一繫船。風烏憐翻倦。沙雁命儔眠。沽酒同村店。思家各遠天。潮生聞夜語。前路正悠然。

前題

朱霞

湖海均為客。停橈即比鄰。風波宜各慎。燈火自相親。暫與雁同宿。共聽雞報晨。長年歌唱起。互答見天真。

前題

張琳

水國輕舸集。春泥插半篙。掩篷先乞火。投店各攜醪。月白翻江影。風清遠市囂。離家曾未久。間聽說波濤。

鷓燈

朱霞

風暖春郊夜色和。暗聲誰放撲天鵝。無情數點雲

頭火紅袖闌干。靠幾多。
兒時愛看紙鳶燈。每過宵闌。睡未能。今日舉頭還。
一笑風吹燈炮。月如冰。

前題

姚廷謙

風遞鳴箏暗影猜。紅燈翹首最高臺。重簾月黑空階靜。兒女爭呼看鷄來。
春郊夜色悵迢迢。誰放風鳶破寂寥。應有雲端孤雁過。驚心野火動深宵。

前題

朱奕

何來點點火珠紅。高傍星河綴晚風。豈是天闈原咫尺。還疑月姊下虛空。
分明有路上遙天。線索憑誰暗裏牽。料得風高難久駐。何如佛火一龕懸。

前題

徐是傲

憑誰相引御風行。一隊紅燈促晚程。賺得深閨人盡望。非關柳外月初明。
昔看神燈在五臺。燈光冉冉自天來。而今偏出人工巧。笑我依然倦眼開。

前題

張琳

逸響非關隔院箏。傳天不獨詫身輕。箇中更現星

星火那怕浮雲蔽太清
人人顧影仰天高
錯羨雲霄一羽毛
縱有宵燈難
自照任渠收
放在兒曹

前題

胡映隆

帶火輕輕颺晚風
緊隨線索上虛空
不知若箇憑
欄望錯認春星一點紅
縹緲雲頭勢可憑
更將遠火照飛騰
不辭低處擡
頭看高處求低正不能

前題

莫繩宗

雲外誰流宛轉音
宵燈蹤跡更難尋
有人指點紅
樓外碧海青天一點心
風力悠颺夜色澄
穿雲舉火訝宵興
春郊樂事真
無限纔過龍燈又鷓燈

前題

蔣培穀

宵燈點點颺春空
高處難尋一線通
誰道舉頭天
路近清光何似廣寒宮
凌霄意氣未成灰
影亂春星亦壯哉
但得有風無
月夜芳郊應擬再三來

前題

陶淑
顯人

高飛不倦夜乘風
一綫相連燈火紅
小立有人頻

指點鞦韆架外暮雲中。

耿耿如隨片月升。流輝無盡却無恒。浮生何事非
兒戲。且趁春宵看鷓燈。

綠蝴蝶

張琳

一片春陰碧繞廊。何來栩栩度銀牆。歇當草際初
無影。飛上花枝別有光。故換粉衣迷傲吏。欲將新
樣惱滕王。芳魂若記前身事。想見珍珠費斗量。

前題

朱奕

萬綠叢中一蝶忙。翩翩也似惜年芳。染衣可要垂
楊柳。貼鬢還驚小鳳凰。閒過窻紗微見影。暗依階

蘚自尋香。風流肯住人間世。只許羊權與較量。

前題

姚廷謙

南園紅紫半模糊。幻出輕胥色更殊。閒度柳陰衣
乍染。驚迴苔砌影全無。香魂不逐羅裙散。粉筆難
教畫手圖。聞有宮花名字。借可容邢尹。一時俱

王宮中綠牡
丹號綠蝴蝶

前題

何默

栩栩飛來碧榭春。莊生夢裏見應新。衣分張緒柳
絲嫩。影度王孫草色勻。金粉空勞尋畫本。綺羅偏
許巧藏身。吳娘繡罷渾無賴。葉底還防覓取頻。

淮清堂白牡丹

姚廷謙

芳林處處碧成帷。獨數淮清第一枝。鏤月幾年勞

注想。此花移種數年未開停雲此日慰相思。白茅夜立仙同駐。

玉鏡朝懸影最宜。博得清吟高郢客。笑他泚筆待

臙脂。

前題

朱霞

連歲此堂花底醉。玉人今始遇清揚。白衣豈必誇

勝紫。素質終非別染香。幙處有天春未老。屏開無

月。夜生光。錦幃翠被休相妒。邢尹從渠自較量。

前題

張琳

亦知清白久傳家。故遣亭臺發此花。豈是鄂君嫌

繡被。遠同西子愛春紗。湘幃夜捲應迷月。銀漢風

高不染霞。舞罷紅闌小垂手。扶頭端藉玉丫叉。

白牡丹

朱奕

玉貌天然壓眾芳。裁雲羞作舞衣裳。春風擁霧渾

無質。夜月憑欄認有香。豔極大都矜黯澹。醉來應

更惜披猖。錦幃繡被尋常見。畢竟輸他世外妝。

前題

朱鎮靜廬

醉舞春風玉一團。漫將標格比端端。天生富貴無

瑕。少地占清華。得氣難淨洗臙脂。忘色相。羞隨穠

豔傲酸寒任他左魏誇紅紫。縞袂偏宜月底看。

題達摩像

朱霞

西來總為大因緣。聖性寧須色相傳。一自秋江踏
蘆去。吳娘也解繡金仙。

那須吳画覓開元。一幅金容手可捫。莫道此軀非
活佛。當年至教本無言。

前題

姚廷謙

至人色相忘神通。非有意舉世波濤中。何人解心
悸。折蘆渡長江。不行而自至。一花開五葉。擬議亦
多事。

前題

張琳

拂衣下金鑿。九年只面壁。可憐通國人。不解心如
鐵。

五燈開萬法。五葉本一花。相看誰具眼。浪影滿袈
裟。

前題

陸奎勳

梵唄休將白馬馱。曾於石壁掃文魔。蘆花亦是從
空幻。奈此紛披六葉何。

蕭公不解漏因非。獨有神光與大衣。心淨佛言隨
所住。却攜隻履又西歸。

當歸花

俗呼荷包牡丹

朱奕

偷將名號並花王。朱粉施來淺淡妝。醉面低垂魚子。纈絳羅小簇麝香。囊半睚別淚。淹春雨。一點芳心吐。豔陽夢斷深閨。鄉信杳。可知情緒對淒涼。

前題

陸崑曾

當歸忽作牡丹看。看葉真疑是牡丹。花似有心成串。易枝偏無力。獨繁難。常年折寄勞鄉夢。此日移栽對藥欄。護惜也。應同國色肯教風雨便摧殘。


前題

胡映隆

也殿殘春亂碧叢。通身無力倚晴風。低垂小萼半。

妝粉長繞香苞一串。紅木芍藥呼因葉似水芙蓉。號為囊同曲欄若使深閨見。頓慰離情此刻中。





文
里
卷
六

